

第五才子書
施耐庵水滸傳

第五才子書
施耐庵
水滸傳

六

第五才子書施耐菴水滸傳卷之四十七

聖歎外書

第四十二回

假李逵剪逕劫單人

黑旋風沂嶺殺四虎

粵自仲尼歿而微言絕而忠恕一貫之義其
不講於天下也既已久矣夫中心之謂忠也
如○心○之○謂○恕○也○見○其○父○而○知○愛○之○謂○孝○見○其○

君而知愛之○謂敬○夫孝敬○繇於中心○油油然○不自知其達於外也○如惡惡臭○如好好色○不思而得○不勉而中○此之謂自慊○聖人自慊○愚人亦自慊○君子爲善○自慊○小人爲不善○亦自慊○爲不善○亦自慊者○厭然揜之而終○亦肺肝如見○然則天下之意○未有不誠者也○善亦誠於中○形於外○不善亦誠於中○形於外○不思善○不思惡○若惡惡臭○好好色之微○亦無不誠於

中○形○於○外○蓋○天○下○無○有○一○人○無○有○一○事○無○有○
一○刻○不○誠○於○中○形○於○外○也○者○故○曰○自○誠○明○謂○
之○性○性○之○爲○言○故○也○故○之○爲○言○自○然○也○自○然○
之○爲○言○天○命○也○天○命○聖○人○則○無○一○人○而○非○聖○
人○也○天○命○至○誠○則○無○善○無○不○善○而○非○至○誠○也○
性○相○近○也○習○相○遠○也○善○不○善○其○習○也○善○不○善○
無○不○誠○於○中○形○於○外○其○性○也○唯○上○智○與○下○愚○
不○移○者○雖○聖○人○亦○有○下○愚○之○德○雖○愚○人○亦○有○

上智之德若惡惡臭好好色不惟愚人不及
覺雖聖人亦不及覺是下愚之德也若惡惡
臭好好色乃至爲善爲不善無不誠於中形
於外聖人無所增愚人無所減是上智之德
也何必不喜何必不怒何必不哀何必不樂
喜怒哀樂不必聖人能有之也匹婦能之赤
子能之乃至禽蟲能之是則所謂道也道也
者不可須臾離也道卽所謂獨也不可須臾

離○卽○所○謂○慎○也○何○謂○獨○誠○於○中○形○於○外○喜○卽
盈○天○地○之○間○止○一○喜○怒○卽○盈○天○地○之○間○止○一
怒○哀○樂○卽○盈○天○地○之○間○止○一○哀○止○一○樂○更○無
旁○念○得○而○副○貳○之○也○何○謂○慎○修○道○之○教○是○也
教○之○爲○言○自○明○而○誠○者○也○有○不○善○未○嘗○不○知
知○之○未○嘗○復○行○則○庶○幾○矣○不○敢○揜○其○不○善○而
著○其○善○也○何○也○惡○其○無○益○也○知○不○善○未○嘗○復
行○然○則○其○擇○乎○中○庸○得○一○善○而○拳○拳○服○膺○必

弗○失○之○矣○是○非○君○子○惡○於○不○善○之○如○彼○也○又○
非○君○子○好○善○之○如○此○也○夫○好○善○惡○不○善○則○是○
君○子○遵○道○而○行○半○塗○而○必○廢○者○耳○非○所○以○學○
而○至○於○聖○人○之○法○也○若○夫○君○子○欲○誠○其○意○之○
終○必○繇○於○擇○善○而○固○執○之○者○亦○以○爲○善○之○後○
也○若○失○爲○不○善○之○後○也○若○得○若○得○則○不○免○於○
厭○然○之○揜○矣○若○失○則○庶○幾○其○無○祇○於○悔○矣○聖○
人○知○當○其○欲○揜○而○制○之○使○不○揜○也○難○不○若○引○

而○置○之○無○悔○之○地○而○使○之○馴○至○乎○心○廣○體○胖○
也○易○故○必○津○津○以○擇○善○教○後○世○者○所○謂○慎○獨○
之○始○事○而○非○大○學○止○至○善○之○善○也○擇○乎○中○庸○
得○一○善○固○執○之○而○弗○失○能○如○是○矣○然○後○謂○之○
慎○獨○慎○獨○而○知○從○本○是○獨○不○惟○有○小○人○之○揜○
卽○非○獨○苟○有○君○子○之○慎○亦○卽○非○獨○於○是○始○而○
擇○旣○而○慎○終○而○并○慎○亦○不○復○慎○當○是○時○喜○怒○
哀○樂○不○思○而○得○不○勉○而○中○如○惡○惡○臭○如○好○好○

色○從○客○中○道○聖○人○也○如○是○謂○之○止○於○至○善○不
曰○至○於○至○善○而○曰○止○於○至○善○者○至○善○在○近○不
在○遠○若○欲○至○於○至○善○則○是○人○之○爲○道○而○遠○人
不○可○以○爲○道○也○故○曰○賢○智○過○之○爲○其○欲○至○至
善○故○過○之○也○若○愚○不○肖○之○不○及○則○爲○其○不○知
擇○善○慎○獨○故○不○及○耳○然○其○同○歸○不○能○明○行○大
道○豈○有○異○哉○若○夫○止○於○至○善○也○者○維○皇○降○衷
於○民○無○不○至○善○無○不○至○善○則○應○止○矣○不○惟○小

人爲不善之非止也。彼君子之爲善亦非止也。不惟爲善爲不善之非止也。彼君子之猶未免於慎獨之慎猶未止也。人誠明乎此則能知止矣。知止也者不惟能知至善之當止也。又能知不止之從無不止也。夫誠知不止之從無不止而明於明德更無惑矣。而后有定。知致則意誠也。而后能靜。意誠則心正也。而後能安。心正則身修也。而后能慮。身修則

家○齊○國○治○天○下○平○也○而○后○能○得○家○齊○國○治○天○
下○平○則○盡○明○德○之○量○所○謂○德○之○爲○言○得○也○夫○
始○乎○明○終○乎○明○德○而○正○心○修○身○齊○家○治○國○平○
天○下○無○不○全○舉○如○此○故○曰○明○則○誠○矣○惟○天○下○
至○誠○爲○能○贊○天○地○之○化○育○也○嗚○呼○是○則○孔○子○
昔○者○之○所○謂○忠○之○義○也○蓋○忠○之○爲○言○中○心○之○
謂○也○喜○怒○哀○樂○之○未○發○謂○之○中○發○而○爲○喜○怒○
哀○樂○之○中○節○謂○之○心○率○我○之○喜○怒○哀○樂○自○然○

誠於中形於外謂之忠知家國天下之人率
其喜怒哀樂無不自然誠於中形於外謂之
恕知喜怒哀樂無我無人無不自然誠於中
形於外謂之格物能無我無人無不任其自
然喜怒哀樂而天地以位萬物以育謂之天
下平曾子得之忠謂之一恕謂之貫子思得
之忠謂之中恕謂之庸故曰無黨無偏王道
平平無偏無黨王道蕩蕩嗚呼此固昔者孔

于志在春秋行在孝經之精義後之學者誠
得聞此內以之治其性情卽可以爲聖人外
以之治其民物卽可以輔王者然惜乎三千
年來不復更講愚又欲講之而懼或乖於邈
世不悔之教故反因讀稗史之次而偶及之
當世不乏大賢亞聖之材想能垂許於斯言
也○
能○忠○未○有○不○恕○者○不○恕○未○有○能○忠○者○看○宋○江○

不許李逵取娘○便斷其必不孝順太公○此不
怨○未有能忠之驗○看李逵一心念母○便斷其
不殺養娘之人○此能忠○未有不怨之驗也○

此書處處以宋江李逵相形對寫○意在顯暴
宋江之惡○固無論矣○獨奈何輕以忠恕二字
下許李逵○殊不知忠恕天性八十翁翁道不
得○週歲哇哇却行○得以忠恕二字下許李逵
正深表忠恕之易能○非歎李逵之難能也○

宋江取爺村中遇神李逵取娘村中遇鬼此

一聯絕倒

宋江黑心人取爺便遇玄女李逵赤心人取娘便遇白兔此一聯又絕倒

宋江遇玄女是奸雄搗鬼李逵遇白兔是純孝格天此一聯又絕倒

宋江遇神受三卷天書李逵遇鬼見兩把板斧此一聯又絕倒

宋江天書定是自家帶去李逵板斧不是自家帶來此一聯又絕倒

宋江到底無真李逵忽然有假此一聯又絕倒

宋江取爺喫仙棗李逵取娘喫鬼肉此一聯

又絕倒

宋江爺不忍見活強盜李逵娘不及見死大蟲此一聯又絕倒